



DE QVODAM FEBRICITANTE,
QVEM SANAVIT IN BAVARIA AN-
tequam factus fuit Episcopus.

SOANNES quidam ciuis Patauiensis, febris incommodo vexabatur per longa tempora, contigit autem ut Sanctus Pater Godehardus adhuc Abbas in suo Monasterio Altach pro negotio dicti sui Monasterij Patauiam adueniret; & infirmus ille , ipsius cognita praesentia, fratrem suum misit ad eum , rogans ut ipsum caussa Dei visitare dignaretur. Quod & fecit. Visis autem ipsius in quibus decubuit febribus, ingemuit, & ait. O Pater Adam , quis te tam celeriter excæcauit, ut mandatis Dei Creatoris tui contraires, & tot malis nos omnes peccato tuo subijceres. Ecce post hæc, quæ temporaliiter hic patimur, nisi mandata eius seruauerimus, æternaliter pati formidamus. Et erit hoc malum temporale, initium nobis malorum æternorum. Hoc autem cum dixisset, accipiens scyphum quendam, & vinum in eum fundens, signo crucis signatum benedixit, & tradidit viro decumbenti, dicens. Bibe frater in nomine Domini nostri Iesu Christi, & in eo confortare. Qui bibit confidens in Dei clementia, & sancti viri meritis, illico surrexit ab omni febris incommodo penitus liberatus, & iuit ad Ecclesiam S. Stephani laudans Deum.

DE QVODAM MONACHO QVEM
precibus suis à febri acutissima
liberavit.

VIR sanctus Godehardus Monachum quendam de Monasterio suo Altach ad Monasterium Herueldense secum duxit ; qui post, ibidem febrium molestiam decumbebat. Hunc Sanctus Pater consolationis gratia frequenter visitauit. Quodam autem tempore dixit infirmo ; Frater mi, quomodo habes ? & infirmus ait. Ecce, Pater, febrium molestiam nimiū me vexat, ita ut vita quasi nulla amo do sit in me. Et ait ei, vir Sanctus, Dñs noster Iesus Christus maiora pro nobis passus est, quam hæc febrium tuarum possunt esse incômoda. Cui decumbens, ait, scio, Pater mi, scio, quod multo grauior a pro

GODEHARDO.

ra pro nobis passus est ad mortis amaritudinem tormenta. Et ait S.
Godehardus. In nomine Iesu Christi qui grauiora pro nobis susti-
nuit surge, & in fratum tuorum Collegio psallēs benedic eum, qui
te suo sanguine abluit, & redemit. Et infirmus ait, surgam in nomi-
ne Iesu Christi, & ibo ad Patrem meum, qui & pater est Dñi mei Iesu
Christi: & dicam ei. *Iam non sum dignus vocari filius tuus*, sed fac me-
cum misericordiam tuam, quasi cum seruo tuo, sed à via tua deui-
ante; & ad te clementer suscipe reuertentem. Et, inter hæc verba,
surrexit, & ad chorum iuit, & omnibus admirantibus, cum adstan-
tibus laudans Deum, & cantans, benedixit.

Lnc 15.

DE QVADAM IVVENCULA A molestia febrium liberata.

IVVENCVL quædam in oppido Teckendorff, in territorio Ba-
uariensi, cum febrium molestia nimium grauaretur, astabat ei
quædam honestæ fœminæ, referentes ei qualiter prædictus in Pa-
tauia meritis beati Godehardi post haustum vini per eum benedi-
cti à febrium rigore fuerat liberatus. Quibus auditis, dixit infirma
patri suo. O mi, dilecte pater, rogo te per Iesum Christum, ut mittas
ad S. virum Godehardum, petendo eum, ut benedicat parum vini
in cupha velscypho suo, & mittat ad me, ut bibam ex eo, ut alleuiar
à seruore febrium, quibus incessanter affligor atq; vror. Pater au-
tem his auditis, misit ut voluit, & vinum benedictum accepit à S.
Godehardo, quod iuuacula babit infirma in nomine Iesu Christi;
& subito sanata est, & surrexit laudans Deum; qui meritis Sancti
Godehardi eam clementer à vi febrium liberauit.

DE QVODAM SCHOLARE SANA- to à simili febrium molestia.

SERVUS Dei Godehardus, quia erat ex corde misericors, & super
afflictos piage stabat viscera, infirmorum siue decubantium,
vel per se, aut per alios, semper visitauit domicilia. Contigit au-
tem quodam tempore, cum adhuc in Abbatia Altahensi præside-
ret, quandā scholarem cuiusdam viduæ pauperis, febriū molestia
grauiiter infirmari; quem pietate solita sèpius visitauit. Cui & quo-
dam tempore dixit, Fili viriliter age sustinens flagella Dñi ac confor-
metur in eo cor tuū. ipse enim est, qui pcutit & medetur, atq; sanat;
suos castigans electos, ne morti tradantur sempiternæ. Et iuuenis
ait, quæ est fortitudo mea, ut hæc grauia sustineā, & patiēter agam?
Et pater sanctus ait. Confide, fili, sciens quod non sunt condigna paſſi

*s Godehar-
dus sedulus
in viuendis
infirmis.*

psalm. 26.

Roms 8.

2 ad Corin. c. 12.
ones huius temporis ad futuram gloriam quae reuelabitur in nobis. Et libenter gloriari velis cum Apostolo in infirmitatibus tuis, vt in te sicut in eo habitet virtus Christi. nam virtus in infirmitate perficitur. Cui infirmus ait. Peto, sancte Pater, vt Deum pro me misero suppliciter exores. At Pater sanctus, pomum in manu habens, (quod forsitan secum tulerat, aut iuxta lectum infirmi inuenierat) benedixit, & dedit infirmo dicens. Accipe fili; & manduca pomum, in nomine Iesu Christi, & si est voluntas eius, de lecto surge sanus; sin autem, maneat haec infirmitas tibi, & patienter age, vt a Deo præmium viæ æternæ, in quo æterna est sanitas, valeas promereri. Comedit ille, & surrexit sanus laudans Deum.

DE IVVENE SVB MERSO MERITIS Sancti Godehardi resuscitato.

Act 41.
Psalom. 33.
Mater filio defuncto optat Ecclesia Sacra-menta.
Iuuenis re-fusci-ratus post accepta

IVENIS quidam de castro Stanwenborch in Bauaria prope Danubium fluuium pertransire volens, procellis nauem subvertentibus, mergitur in flumen, vbi plus quam tribus horis remansit incognitus, tandem corpus exanime ad littus ejicitur, & mortuus ad domum parentum deportatur. Lacrymantur proximi, & gemunt affines ob mortem tam subitam iuuenis tam famosi. Sanctus autem Abbas Godehardus casu transiens locum illum, & audiens voces vulnantium, ait: *O mors quam amara est memoria tua homini, quam subito & inopinate extinguis; quæ & peccatoribus es pessima, iustis autem nimis desiderabilis atque pretiosa.* Cum autem haec, & his familia diceret, venit mater misera iuuenis, & ad pedes procedit viri sancti, dicens. Domine, si quid potes apud Deum, misere-re mei, & resuscita filium meum. Cui sanctus Pater, crede mihi mulier (vt verum est & experientia docet quotidiana) omnes subiace-mus mortis imperio, ideoque Beati mortui qui in Domino mori-untur. *Mors enim omnes, qui in mundo viuunt, non uno, sed quasi mille modis sternit. Beatus qui vigilat, & in aduentu præmunitur.* Et iterum mulier, ait, voce lacrymosa. En filius meus unicus & dilectus, in flumine suffocatus interiit subito; huic timeo damnationem, quia inmundanus erat nimis. Rogo igitur, pie Pater, si quid potes apud Deum, resuscita filium meum; vt tantum sua confiteatur deli-cta, & sanctis Ecclesiæ Sacramentis muniatur, & post, si Deo pla-cetur, in pace, feliciter, requiescat. Cui vir sanctus, Saluatoris vtens verbis, ait. *O mulier magna est fides tua fiat tibi sicut petijisti.* Et transiens cum ea ad cadauer in libitina iacens, & tenens manum eius dixit. Adolescens tibi dico surge, & iuuenis surrexit in columis atque sanus; & sanctum virum petijt, vt causa Dei, confessionem eius

*sacramen
ta iterum
moritur.*

eius audiret, & pro peccatis suis sibi iniungeret pœnitentiam salutarem, & annuit Sanctus Pater petitioni eius, & audita confessione eius, sacris Ecclesiæ Sacramentis eum præmuniuit. Quo facto, iuuenis ait, iube me sancte Pater nunc iterum in pace quiescere; quod mundum nimis horreo, qui suos amatores mittit in gehennam, cuius pœnam grauissimam ex parte sum expertus. & vir Dei ait. Dormi, fili mi, & quiesce feliciter in pace Iesu Christi, & ille respōdit Amen. Et inclinato capite, in gratia Dei feliciter obdormiuit. Felix autem mater eius, his auditis & cognitis, semota prorsus omnī tristitia, cum gudio corpus filij Ecclesiastico more tradidit sepulturæ, ac Deo, deuotione, quanta potuit, animam ipsius lætissime commendauit.

DE MULIERE IN PARTU LABORANTE, & orationibus Sancti, à dolore partus liberata.

SANCTVS Pater Godehardus, dum in cella sua post Vigilias matutinas orationis causa resideret, contigit, ut quedam mulier habitans in confinibus Monasterij partu laborando cruciaretur; cui compatiens vir sanctus, terra procumbens orationi sededit dicēs. O Domine Deus Omnipotens, adiuua plasma tuum, miserere filiæ Euæ in matris suæ maledicto laborante. Et illico, modo quodam, inopinato mulier conticuit; quia peperit filium; quæ postea obdormiens, ei reuelatum est, quod precibus S. Godehardi à dolore partus sit liberata. quæ gratias egit Deo, qui eam sancti viri meritis tam clementer visitauit; filium autem suum Godehardum vocari fecit, & in puerili ætate, eum tradidit sancto viro regularibus disciplinis imbuendum. Hac igitur de causa mulieres regionis illius in dolore partus S. Godehardi patrocinium consueverunt inuocare, & multæ petitionis suæ sentiebant effectum adoptatum.

*S. Godehar
di partu
laborantia
bus opites
latuus.*

DE QVODAM, QVEM IN VIA SOCIVM habebat, qui cadens crus fregit, sed sanctus vir subito eum sanauit.

VM S. Godehardus pro negotio forsitan sui Monasterij ad Romanā iret curiam, habens aliquos de suis Monachis secū in suo comitatu, inter quos quidā cæteris senior Erkēfrid⁹ nomine incaute, pcedens, dum montem, qui Godehardi dicitur; ascenderet, equus cum eo cecidit, & crus eius dextrum ex toto confregit. Qui gen-

mens

mens cum lacrymis, ait, contra sanctum Deimur murando, ut quid, pater, me duxisti ad montis istius precipitum, ut me interficeres. Cui sanctus Pater, ait. Scio, fili mi dilecte, quod inuitè mecum iter hoc cœpisti; & intra te ipsum, murmurando, mihi detraxisti. Ideo nunc redditæ est tibi merces tua. Pœnitere igitur & ora Deum, ut dimittat tibi offensam hanc, ut saneris. Qui, ait, adiuua pater infirmitatem meam, & remitte mihi quod deliqui contra te: & cruciet me flagellum Dei, quantum libet. Vir autem Dei, audita cius deuotio-
ne, tetigit confractum os cruris eius, & ait. Sanet te frater Dominus
Iesus Christus: & tu, in nomine eius surge, ut ambulemus. Qui surrexit ex toto sanus, & ultra profectus cum eo. Idem postmodum se-
cutus est eum Hildeneshem, & mansit apud eum, usque ad diem
mortis suæ.

DE MVLIERE CÆCA, QVAM IPSE illuminauit cum Deo.

1000.9. Lxx.2. **C**ONTIGIT quadam vice, ut S. Godehardus pertransiret oppidum Strawigen dicens Ratisbonensis; & obuiauite i quædam cæca mulier mendica ostiatum quærens panem, quæ forsan equorum ni-
tebatur declinare strepitum, & in lapide, lædens pedem, cecidit grauiter nimis. Sanctus autem Godehardus, hoc viso subito descen-
dit de equo, & accurrens, amplexando eam releuauit &, quantum
potuit lutisorditem de mantello mulierculæ tersit diligenter; &
ait, quare cecidisti mater? & illa dixit. Cæca sum, amice; & ideo of-
fendicula viarum cauere non valeo, nec possum deuitare. Sanctus
autem pater sibi ex corde compatiens, ait; ô mi Deus meus, quo
sunt in terra conuitia & grauamina tui plasmatis. bene ergo dicitur.
Væ, væ, væ habitantibus in terra. Et cum dixisset, lutum cum sputo
muscuit, more nostri Salvatoris, & linuit oculos eius dicens. O domine
Iesu Christe, qui in conspectu discipulorum tuorum lutum ex sputo
fecisti, liniuistique oculos cæci cuiusdam, & vidit; illuminata etiam
oculos huius pauperculæ tuæ, ut confiteatur nomini tuo, & glorie-
tur in prædigna laude tua. His sic actis, & dictis, mulier cœpit san-
ctum virum intueri; ceciditque ad pedes eius dicens. Viderunt oculi
mei salutare Dei & prona osculabatur pedes eius; & iuit ad propria;
laudans Deum pro virtutibus & meritis sancti viri.

DE OBSESSA SANATA, MERITIS sancti Godehardi.

JN ciuitate Ratisbona, quodam tempore S. Godehardus moraba-
tur pro negotio forsan sui monasterij: ubi quædam obsessa à dæ-
monio

monio ad eum ducebatur, ut sanaretur ab eo. Quam vir Dei inspi-
cens, ait; responde mihi immunde Spiritus ad ea, quæ à te quæro.
Quid hic agis in creatura Dei? At Dæmon ait, pleno iure est anima
ip̄sius mea; quod incantatrix est, & per eam multas animas lucratus
sum. Etaut vir sanctus; quare, ppter incantationem tua est? Et Dæmō
ait, nonne legisti quia dominus Pithones, diuinos, & incantatores
iussit exterminari? quid enim tales faciunt, nisi quod mihi meisque
principibus deseruiunt, Idololatram enim sunt. vix etiam aliquos
tanto iure possidere possumus, quanto huiusmodi vitijs irretitos.
Nunquid ignoras, quod inter mille incantatrices aut diuinos,
vix una inuenitur, quæ vel qui, velit hoc vitium confiteri. sic enim
era ipsorum claudimus, vt de talibus loqui nihil valeant quovis
modo. Et, ait vir sanctus. Scio, quia magna est malitia tua & tuorum
similium; nec tamen dubito, quod maior bonitas Dei est & clemen-
tia. Ergo, immunde Spiritus, da honorē Deo, & recede ab hac crea-
tura eius, vt redeat ad gratiam, quam tu ab ea abstulisti. Et Dæmon,
ait, cur me in tantam agis violentiam? quid feci tibi? aut quid habes
contra me? Et ille ait, audi proterue & immunde Spiritus. In illa æ-
terna patria, de qua tu superbiens cecidisti, tanta mihi erit lētitia de
bono communī, vt de meo proprio: imo & multo maior. Et ideo
hic dolere conuenit de malo alieno multo fortius, quam de malo
proprio. Per hoc enim vitam æternam promerebor. habeo ergo
contrate iustum causam, quod minus iuste possides, & punis sororē
meam, plasma Dei creatoris tui. Non enim vt asseris, ago tibi violē-
tiam, sed pro gloria Dei & amore plasmatis eius, pro quo, vnigeni-
tus eius sanguinem suum fundens, amarissimam mortem sustinuit,
contra te pugil, sed viator gloriosus. Ergo, tibi præcipio, superbe &
immunde Spiritus, in nomine Iesu Christi recede ab ea; & non pre-
sumas ammodò creaturam Dei molestare. Et sic Spiritus ille mali-
gnus abcessit: & mulier, vt mortua cecidit. Sed vir sanctus subito eā
erexit: crecta verò publicè vitium incantationis, quod dudum mul-
toties perfecerat, cum lacrymis est confessa; quam & vir sanctus ab-
soluit virtute passionis Iesu Christi.

*Sage cri-
men suum
cur non fa-
sciantur.*

*Magiū de-
lendum de
malo alie-
no quam
proprio.*

DE PVERO MVLTV M HEBETE, quem oratione sua docilem fecit.

JN ciuitate Patauia erat quidam ciuis diues valde, qui habuit
filium, quem tenerrimè dilexit; qui puer adeo hebes erat, vt in
tribus annis non potuit efficere, vt disceret minus alphabe-
tum. Vnde pater eius sanctum Godehardum adjit, retulitque

Hh ei du-

ei duritiam cordis filij sui, petens obnixius, ut pro eo suppliciter ora
re dignetur; quatenus Deus omnipotens eum illuminare digna-
tur. Sanctus vero Godehardus, vocato ad se puer, super eum legit,
quæ sequuntur. Omnis sapientia à domino Deo est, cum collecta,
Deus qui per coæternā tibi sapientiam, hominem cum non esset cō-
didisti, &c. & addidit. Vade fili, & ille magistrorū optimus, qui subi-
to docuit Apostolos, te instruat, & in via recta ad agnitionem perdu-
cat clariorem. Qui puer ita mutatus est, ut in breui tempore omnes
suos consanguineos, & omnes sibi coætaneos, imo seniores atq; do-
ctiores se, sapiētiæ plenitudine anteiret; qui postea ppter intellect⁹
& sapientiæ profunditatē, in Episcopū Patauiensem est electus atq;
ordinatus; vnde sibi & subditis pro animarum salute instantissimè
laborauit. Sequens miraculum factum est, cum esset Episcopus.

D E M O R T U I S , Q U I A D P R A E C E P T U M

*sancti Presulis surrexerunt de sepulchris, exentes de Ecclesia, quia ex-
communicati, quod viui facere noluerunt.*

ACCIDIT, ut sanctus Præsul Godehardus, quosdam de suis sub-
ditis, ob eorum rebellionem, post monitiones consuetas excō
municaret; quorum aliqui, malitiæ suæ veneno excitati, ipso cele-
brante, Ecclesiam intrauerunt arroganter & proteruè. Quo cognito,
se diuertit ab altari dicens, Præcipio vobis omnibus, qui estis ex-
communicati, in virtute Spiritus sancti, & sanctæ obedientiæ, ut ex-
eatis de Ecclesia. Rebelles autem & excommunicati hoc præceptū
non curantes, persistenter, remanentes in Ecclesia. Sed quidam de
mortuis, qui multis annis quieuerant in monumentis, qui & forsan,
ignorantibus eis, qui eos sepelierunt in excommunicatione sepulti
fuerant, surrexerunt, & de Ecclesia exierunt. Quod videntes illi re-
belles, erubuerunt; & post mortuos exierunt. Sanctus autem Præsul,
finita missa, ad eos exiens dixit. Audite rebelles, & increduli; & vide
te iustum Dei iudicium contra vos. Ecce mortui Deo in suo vicario
obediunt, vos autē superbo referti spiritu, obedire contēpsistis. Sur-
gent igitur mortui isti contra vos in iudicio, & sententiā damnatio-
nis allegabunt contra vos, nisi plenā & condignam pænitentiam e-
geritis. Et, his dictis, cōuertit se ad mortuos dicens. Ego vos, frat̄s,
auctoritate Domini nostri Iesu Christi, absoluo à sententiā excom-
municationis, qua huc vsq; fueratis innotati, in nomine Patris & Fi-
lij & Spiritus sancti, Amen. Ite, reuertimini ad loca vestra, & in pace
requiescite, aduentum iudicis præstolantes. Mortui autem, inclina-
tis capitibus, & iunctis manibus, quasi gratias agentes ad loca sua
remeauerunt, & quieuerunt.

QVO-